



E- Shkrimet e Shpëtimit.

(E - Salvation Scriptures)

(Shkrimet e Shenjta nga ALBB, nëse nuk thuhet ndryshe)

Isaia 64: 6

⁶ Jemi të gjithë si një gjë e papastër, dhe të gjitha veprat tona të drejtësisë janë si një rrobë e ndotur; po fishkemi të gjithë si një gjethe dhe paudhësitë tona na çojnë larg si era.

Luka 13: 3

³ Unë po ju them: Jo! Por nëse ju nuk pendoheni, do të vdisni të gjithë me të njëjtën mënyrë.

2 Kor. 5:21

²¹ Sepse ai bëri të jetë mëkat për ne ai që nuk njihje mëkat, që ne të bëhemi drejtësia e Perëndisë në të.

Rom. 3:23

²³ sepse të gjithë mëkatuan dhe u privuan nga lavdia e Perëndisë; ²⁴ por janë shfajësuar falas me anë të hirit të tij, nëpërmjet shpengimit që është në Krishtin Jezus.

Rom. 5: 8-11

⁸ Por Perëndia e tregon dashurinë e tij ndaj nesh në atë që, kur ende ishim mëkatarë, Krishti vdiq për ne. ⁹ Shumë më tepër, pra, duke qenë tani të shfajësuar në gjakun e tij, do të shpëtojmë nga zemërimi me anë të tij. ¹⁰ Në fakt, ndërsa ishim armiq, u pajtuam me Perëndinë nëpërmjet vdekjes së Birit të tij, akoma më shumë tani, që jemi pajtuar, do të shpëtohemi nëpërmjet jetës së tij. ¹¹ E jo vetëm kaq, por edhe mburremi në Perëndinë, nëpërmjet Zotit tonë Jezu Krisht, me anë të të cilit tani kemi marrë pajtimin.

Rom. 5:12

¹² Prandaj, ashtu si me anë të një njeriu të vetëm mëkati hyri në botë dhe me anë të mëkatit vdekja, po ashtu vdekja u shtri tek të gjithë njerëzit, sepse të gjithë mëkatuan;

Rom. 5: 17-21

¹⁷ Në fakt, në qoftë se prej shkeljes së këtij njërit vetëm vdekja mbretëroi për shkak të atij njërit, akoma më shumë ata që marrin bollëkun e hirit dhe të dhuratës se drejtësisë do të mbretërojnë në jetë me anë të atij njërit, që është Jezu Krishtit. ¹⁸ Prandaj, ashtu si për një shkelje të vetme dënimi u shtri mbi të gjithë njerëzit, ashtu edhe me një akt të vetëm drejtësie, hiri u shtri mbi gjithë njerëzit për shfajësimin e jetës. ¹⁹ Në fakt, ashtu si nga mosbindja e një njeriu të vetëm të shumtët u bënë

mëkatarë, ashtu edhe nga bindja e një të vetmi të shumtët do të bëhen të drejtë. ²⁰ Por ligj i ndërhyri me qëllim që shkelja të teprohej; por aty ku mëkati është i tepruar, hiri është akoma më i tepërt: ²¹ me qëllim që ashtu si mëkati ka mbretëruar te vdekja, ashtu edhe hiri të mbretërojë me anë të drejtësisë në jetën e përvetshme nëpërmjet Jezu Krishtit, Zotit tonë.

Rom. 6:23

²³ Sepse paga e mëkatit është vdekja, por dhuntia e Perëndisë është jeta e përvetshme në Jezu Krishtin, Zotin tonë.

Heb. 9: 27-28

²⁷ Dhe, duke qenë se është caktuar që njerëzit të vdesin vetëm një herë, dhe më pas vjen gjyqi: ²⁸ kështu edhe Krishti, pasi u dha vetëm njëherë për të marrë mbi vete mëkatet e shumëve, do të duket për së dyti pa mëkat për ata që e presin për shpëtim.

Zbu.14:11

¹¹ Dhe tymi i mundimit të tyre ngjitet në shekuj të shekujve, dhe nuk do të kenë prehje ditë e natë ata që adhurojnë bishën dhe figurën e saj dhe kushdo që merr damkën e emrit të saj".

Gjoni 3: 3

³ Jezusi iu përgjigj dhe tha: "Në të vërtetë, në të vërtetë po të them që nëse një nuk ka rilindur, nuk mund ta shohë mbretërinë e Perëndisë".

Gal. 2:16

¹⁶ duke ditur se njeriu nuk shfajësohet me anë të veprave të ligjit, por me anë të besimit në Jezu Krishtin, besuam edhe ne në Jezu Krishtin, që të shfajësoheshim me anë të besimit në Krishtin dhe jo me anë të veprave të ligjit, sepse asnjë mish nuk do të shfajësohet me anë të veprave të ligjit.

Rom. 3:28

²⁸ Ne, pra, konkludojmë se njeriu është i shfajësuar nëpërmjet besimit pa veprat e ligjit.

Ef. 1:13

¹³ Në të edhe ju, pasi e dëgjuat fjalën e së vërtetës, ungjillin e shpëtimit tuaj, dhe pasi besuat, u vulosët me Frymën e Shenjtë të premtimit,



E- Shkrimet e Shpëtimit.

Ef.2: 8-10

⁸ Ju në fakt, jeni të shpëtuar me anë të hirit, nëpërmjet besimit, dhe kjo nuk vjen nga ju, po është dhurata e Perëndisë: ⁹ jo nga veprat, që të mos mburret askush. ¹⁰ Ne në fakt jemi vepra e tij, e krijuar në Krishtin Jezus për veprat e mira që Perëndia përgatiti që më parë, që ne të ecim në to.

Lluka 4: 18-19

¹⁸ "Fryma e Zotit është mbi mua, sepse ai më vajosi për të ungjillëzuar të varfrit; ai më dërgoi për të shëruar ata që e kanë zemrën të thyer, për të shpallur çlirimin e të burgosurve dhe kthimin e të parit të verbërve, për të çliruar përsëri të shtypurit, ¹⁹ dhe për të predikuar vitin e pranueshëm të Zotit".

Gjoni 1: 12-13

¹² por të gjithë atyre që e pranuan, ai u dha pushtetin të bëhen bij të Perëndisë, atyre që besojnë në emrin e tij, ¹³ ë cilët nuk janë lindur nga gjaku, as nga vullneti i mishit, as nga vullneti i burrit, por janë lindur nga Perëndia.

Gjoni 3: 16-17

¹⁶ Sepse Perëndia e deshi aq botën, sa dha Birin e tij të vetëmlindurin, që, kushdo që beson në të, të mos humbasë, por të ketë jetë të përjetshme. ¹⁷ Sepse Perëndia nuk e dërgoi Birin e vet në botë që ta dënojë botën, por që bota të shpëtohet prej tij. (ALBB)

Gjoni 10:10

¹⁰ Vjedhësi nuk vjen veçse për të vjedhur, për të vrrarë e për të shkatërruar; por unë kam ardhur që të kenë jetë e ta kenë me bollëk. (ALBB)

Gjoni 11: 25-26

²⁵ Jezusi i tha: "Unë jam ringjallja dhe jeta; ai që beson në mua, edhe sikur të duhej të vdesë do të jetojë. ²⁶ Dhe ai që jeton e beson në mua, nuk do të vdesë kurrë përjetë. A e beson këtë?".

Gjoni 14: 6-7

⁶ Jezusi i tha: "Unë jam udha, e vërteta dhe jeta; askush nuk vjen tek Ati përveçse nëpërmjet meje. ⁷ Po të më kishit njohur, do të kishit njohur edhe Atin tim; qysh tani e njihni dhe e keni parë".

Veprat 4: 10-12

¹⁰ le ta njihni të gjithë ju dhe mbarë populli i Izraelit se kjo u bë në emër të Jezus Krishtit Nazareas, që ju e kryqëzuan dhe që Perëndia e ringjalli prej së vdekuri; me anë të tij ky njeri del para jush i shëruar plotësisht. ¹¹ Ky është guri që ju, ndërtuesit, e hodhët poshtë dhe që u bë guri i qoshes. ¹² Dhe në asnjë tjetër nuk ka shpëtim, sepse nuk ka asnjë emër tjetër nën qiell që u është dhënë njerëzve dhe me anë të të cilit duhet të shpëtohem".

Veprat 16:31

³¹ Dhe ata i thanë: "Beso në Zotin Jezus Krisht dhe do të shpëtohesh ti dhe shtëpia jote".

Rom. 1: 16-17

¹⁶ Në fakt unë nuk kam turp për ungjillin e Krishtit, sepse ai është fuqia e Perëndisë për shpëtimin e cilitdo që beson, më parë judeun e pastaj grekun. ¹⁷ Sepse drejtësia e Perëndisë është zbuluar në të nga besimi në besim siç është shkruar: "I drejti do të jetojë me anë të besimit".

Rom. 10: 9-10

⁹ sepse, po të rrëfesh me gojën tënde Zotin Jezus, dhe po të besosh në zemrën tënde se Perëndia e ngjalli prej së vdekurish, do të shpëtohesh. ¹⁰ Sepse me zemër, njeriu beson në drejtësi dhe me gojë bëhet rrëfim për shpëtim,

Rom. 10: 12-13

¹² Sepse nuk ka dallim në mes judeut dhe grekut, sepse një i vetëm është Perëndia i të gjithëve, i pasur ndaj të gjithë atyre që e thërrasin. ¹³ Në fakt: "Kushdo që do ta thërrasë emrin e Zotit do të shpëtohet".

2 Kor. 5:17

¹⁷ Prandaj nëse dikush është në Krishtin, ai është një krijesë e re; gjërat e vjetra kanë shkuar; ja, të gjitha gjërat u bënë të reja.



E- Shkrimet e Shpëtimit.

Kol.1: 13-15

¹³ Ai na nxori nga pushteti i errësirës dhe na çoi në mbretërinë e Birit të tij të dashur, ¹⁴ në të cilën ne kemi shpengimin me anë të gjakut të tij dhe faljen e mëkateve. ¹⁵ Ai është shëmbëllesa e Perëndisë së padukshëm, i parëlinduri i çdo krijese,

Kol.1:18

¹⁸ Ai vetë është kreu i trupit, pra i kishës; ai është fillimi, i parëlinduri nga të vdekurit, përderisa të ketë parësinë në çdo gjë.

1 Tim. 1:15

¹⁵ Kjo fjalë është e sigurt e denjë për t'u pranuar plotësisht, që Krishti Jezus erdhi në botë për të shpëtuar mëkatarët, ndër të cilët unë jam i pari.

1Tim. 2:5

⁵ Në fakt një është Perëndia, dhe një i vetëm është ndërmjetësi midis Perëndisë dhe njerëzve: Krishti Jezus njeri,;

Titit 3: 5

⁵ ai na shpëtoi jo me anë të veprave të drejta që ne bëjmë, por sipas mëshirës së tij, me anë të larjes së rilindjes dhe të ripërtëritjes së Frymës së Shenjtë,

Heb. 13:20

²⁰ Dhe Perëndia e paqes, që e ngriti nga të vdekurit, me anë të gjakut të Besëlidhjes së amshuar, Bariun e madh të dhenve, Perëndinë tonë Jezu Krisht,

Zbul. 3:20

²⁰ Ja, unë qëndroj te dera dhe trokas; nëse dikush dëgjon zërin tim dhe hap derën, unë do të hyj tek ai dhe do të ha darkë me të dhe ai me mua.

Si vazhdon që këtu?

- Merr një Bibël dhe lexoje çdo ditë për të njohur Jezusin.
- Bisedo me Perëndinë në lutje të thjeshtë.
- Tregoju të tjerëve për Jezusin.
- Pagëzohu dhe bashkohuni me një Kishë që mëson dhe predikon Jezusin

Çfarë duhet të bëj për t'u shpëtuar

1. Prano se je mëkatar:

Bibla thotë: "Sepse të gjithë mëkatuan dhe u privuan nga lavdia e Perëndisë" **(Rom.3:23)**

2. Dije se Perëndia tashmë ka siguruar shpëtimin tënd:

"Sepse Perëndia e deshi aq botën, sa dha Birin e tij të vetëmlindurin që kushdo që beson në Të, të mos humbasë, por të ketë jetë të përjetshme" **(Gjoni 3:16)**

3. Dije se ti nuk mund ta shpëtosh veten:

ai na shpëtoi jo me anë të veprave të drejta që ne bëjmë, por sipas mëshirës së tij, me anë të larjes së rilindjes dhe të ripërtëritjes së Frymës së Shenjtë, **(Titit 3:5)**

4. Pendohu për mëkatet e tua:

³ Unë po ju them: Jo! Por nëse ju nuk pendoheni, do të vdisni të gjithë me të njëjtën mënyrë. **(Luka 13: 3)**

5. Kërkoji Jezu Krishtit të të shpëtojë:

Në fakt: "Kushdo që do ta thërrasë emrin e Zotit do të shpëtohet". **(Rom.10:13)**, ³¹ Dhe ata i thanë: "Beso në Zotin Jezu Krisht dhe do të shpëtohesh ti dhe shtëpia jote". **(Veprat 16:31)**

6. Rrëfe Jezusin para njerëzve:

⁹ sepse, po të rrëfesh me gojën tënde Zotin Jezus, dhe po të besosh në zemrën tënde se Perëndia e ngjalli prej së vdekurish, do të shpëtohesh. ¹⁰ Sepse me zemër, njeriu beson në drejtësi dhe me gojë bëhet rrëfim për shpëtim, **(Rom. 10: 9-10)**

Çfarë të lutemi

I dashur At' Qiellor, e di që unë jam një mëkatar dhe kam nevojë për falje. Unë besoj se Krishti Jezus vdiq për mëkatet e mia. Unë jam i gatshëm të largohem nga mëkatet e mia. Tani e ftoj Jezu Krishtin që të vijë në zemrën dhe në jetën time si Zot dhe Shpëtimtar. Unë jam i gatshëm, me anë të hirit të Perëndisë, të ndjek dhe t'i bindem Krishtit si Zot i jetës sime.

JEZUSI ËSHTË ZOT!